

<p>HELAIAN KETERANGAN PRODUK</p> <p>(Sila baca Helaiian Keterangan Produk ini sebelum anda membuat keputusan memilih “IKHLAS Money Takaful”. Pastikan juga anda telah membaca terma-terma dan syarat-syarat di dalam Sijil Takaful ini.)</p>	<p>TAKAFUL IKHLAS GENERAL BERHAD</p> <p>(Dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia)</p> <p>IKHLAS MONEY TAKAFUL</p> <p>Tarikh: 01/12/2018</p>
<p>1) Apakah produk ini?</p> <p>Sijil <i>IKHLAS</i> Money Takaful direka untuk melindungi kehilangan wang semasa transit atau semasa di premis.</p>	
<p>2) Apakah konsep Syariah yang diguna pakai?</p> <ul style="list-style-type: none"> • Tabarru' - bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu Peserta Takaful yang ditimpa musibah. Di dalam konteks pihak Syarikat, Tabarru' akan diperuntukan ke dalam Dana Risiko. • Wakalah – merujuk kepada kontrak di mana satu pihak, sebagai prinsipal (<i>muwakkil</i>) membenarkan pihak lain sebagai ejen (<i>wakil</i>) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks pihak Syarikat, kami dilantik sebagai ejen (<i>wakil</i>) untuk melaksanakan Perniagaan Takaful, dan fi Wakalah (<i>Ujrah</i>) akan dibayar kepada pihak Syarikat. <p>Nota: Sila rujuk kepada Sijil Takaful untuk maklumat lanjut.</p>	
<p>3) Apakah perlindungan-perlindungan / manfaat-manfaat yang ditawarkan?</p> <p>Sijil Takaful Wang menyediakan dua (2) bentuk perlindungan:</p> <ul style="list-style-type: none"> • Risiko Transit – Kehilangan wang di luar premis Seksyen ini melindungi kerugian wang akibat pemusnahan sebenar, kehilangan atau pengeluaran wang secara tidak sah semasa dibawa oleh pekerja, pengurus, penjaga pihak yang dilindungi yang diberi kuasa. Anda hendaklah mengira jumlah tertinggi bagi mana-mana satu (1) transit kerana ianya akan mewakili had liabiliti pada satu (1) kejadian. • Risiko Premis – Kehilangan wang di dalam premis Seksyen ini membayar kerugian wang di dalam premis sebagaimana dinyatakan untuk wang yang disimpan dalam peti, bilik kebal dan sebagainya yang berkunci. Anda hendaklah mengira jumlah tertinggi yang disimpan di premis pada satu (1) masa kerana ianya akan mewakili had liabiliti pada satu (1) kejadian. Sebagai tambahan, Sijil Takaful Wang kami juga melindungi kos pembaik-pulih atau penggantian peti simpanan, bilik kebal dan sebagainya yang berkunci akibat pencurian atau sebarang percubaannya sehingga RM1,000.00. <p>Nota : Tempoh perlindungannya ialah selama satu (1) tahun. Anda dikehendaki membaharui Sijil Takaful anda setiap tahun.</p>	

4) Berapakah jumlah Sumbangan Takaful yang perlu dibayar?

Jumlah Sumbangan Takaful yang anda perlu bayar adalah berbeza bergantung kepada pendedahan risiko, keperluan pengunderaitan pihak kami dan Amaun Perlindungan ke atas risiko tersebut.

Pengiraan Sumbangan Takaful lazimnya berdasarkan pengiraan dwi lapisan, contohnya:

- Wang dalam transit adalah berdasarkan Simpanan Tahunan Teranggar
- Wang di premis yang mewakili had maksimum wang semasa disimpan di premis

Anggaran Simpanan Tahunan : RM _____

Kadar : _____ %

Wang di Premis : RM _____

Kadar : _____ %

Anggaran jumlah Sumbangan Takaful yang anda perlu bayar anda ialah : RM _____

5) Apakah yuran-yuran dan caj-caj yang perlu dibayar?

Berikut adalah yuran dan bayaran yang dikenakan:

Bayaran yang perlu dijelaskan disamping jumlah Sumbangan Takaful

- Cukai yang digunapakai tertakluk pada kadar semasa yang dikenakan.
- Duti Setem : RM10.00

Bayaran lain yang termasuk dalam jumlah Sumbangan Takaful

- Fi Wakalah -
 - ✓ Komisen pada agen : sehingga maksima 25% dari Sumbangan Takaful
 - ✓ Perbelanjaan : 15% dari Sumbangan Takaful

Bayaran yang perlu dijelaskan jika anda membatalkan Sijil Takaful ini :-

- Caj Pembatalan : RM10.00

6) Apakah terma-terma dan syarat-syarat utama yang perlu diketahui?

Kepentingan Pendedahan

- Anda dikehendaki mendedahkan semua fakta material yang anda tahu atau patut tahu; jika tidak, Sijil Takaful ini akan dianggap tidak sah.
- Anda mesti mengambil segala langkah pencegahan yang biasa dan munasabah untuk menjaga keselamatan harta yang dilindungi;
- Anda mestilah memberitahu pengantara Takaful anda atau pihak kami secara bertulis apa-apa perubahan penting semasa dalam tempoh Takaful supaya perubahan yang sepatutnya boleh diendors ke atas Sijil Takaful anda.

Lebihan

- Pihak Syarikat akan mengenakan Caj Pengurusan Lebihan (SAC) sebanyak 50% daripada lebihan boleh-agih kasar dari Dana Risiko pada setiap akhir tahun kewangan. Walau bagaimanapun, pihak Syarikat boleh mengenakan caj SAC kurang daripada 50% daripada lebihan boleh-agih kasar mengikut budi bicara dan kesesuaian. Sebarang lebihan boleh-agih bersih (selepas ditolak SAC) daripada Dana Risiko akan diperuntukkan seluruhnya (100%) kepada Peserta Takaful. Sekiranya jumlah untuk Peserta Takaful kurang daripada had yang diperuntukkan, maka jumlah berkenaan akan terus disimpan di dalam Dana Risiko atau didermakan kepada badan amal bagi pihak Peserta Takaful. Kedua-dua had yang diperuntukkan dan pengurusan jumlah berkenaan adalah seperti yang di nyatakan di dalam Polisi Pengagihan Lebihan.

7) Apakah pengecualian-pengecualian utama yang terdapat di dalam Sijil Takaful ini?

Sijil Takaful ini tidak melindungi kerugian, atau kerosakan disebabkan oleh:

- Peperangan, serangan tindakan musuh asing, permusuhan atau operasi peperangan (sama ada peperangan diisytiharkan atau tidak), perang saudara;
- disebabkan oleh rompakan atau kecurian oleh mana-mana rakan kongsi pengarah atau kakitangan Peserta Takaful;
- Wang yang dikendalikan dari mesin token sama ada syiling atau nota mata wang;
- Kemusnahan atau kerosakan yang disebabkan secara langsung atau tidak langsung oleh gelombang tekanan oleh pesawat atau peranti udara yang bergerak pada kelajuan bunyi;
- Disebabkan oleh penggunaan wang palsu;
- Kekurangan disebabkan oleh kesilapan atau kesilapan perakaunan atau susut nilai;
- Kehilangan wang dari kenderaan yang terbiar;
- Atau kerosakan pada wang yang dihantar melalui pos;
- Kerugian akibat susut nilai;
- Mana-mana kerugian turutan;
- Kemusnahan atau kerosakan yang disebabkan secara langsung atau tidak langsung yang timbul daripada bahan senjata nuklear.

Nota: *Senarai ini bukannya senarai yang lengkap. Sila rujuk Sijil Takaful untuk senarai penuh bagi pengecualian di bawah Sijil Takaful ini.*

8) Bolehkah saya membatalkan Sijil Takaful ini?

Anda boleh membatalkan Sijil Takaful ini dengan memberi notis bertulis kepada pihak kami. Selepas pembatalan, anda layak mendapat pulangan Sumbangan Takaful untuk kadar pro rata bagi tempoh Sijil Takaful yang belum luput. Tiada pulangan Sumbangan Takaful dibenarkan jika ada sebarang tuntutan di bawah Sijil Takaful ini.

9) Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting bagi anda untuk memaklumkan kepada pihak kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

10) Bagaimanakah saya boleh mendapatkan maklumat lanjut?

Sekiranya anda memerlukan informasi tambahan mengenai *IKHLAS* Money Takaful, sila hubungi kami di:

Takaful Ikhlas General Berhad

Jabatan Pengurusan Perhubungan Pelanggan,
IKHLAS Point, Tower 11A, Avenue 5, Bangsar South,
No. 8 Jalan Kerinchi, 59200 Kuala Lumpur.

Tel: 03-2723 9696

Faks: 03-2723 9998

Laman sesawang : www.takaful-ikhlas.com.my

Emel: ikhlascare@takaful-ikhlas.com.my

11) Produk seumpama yang boleh didapati?

- *IKHLAS* Plate Glass Takaful
- *IKHLAS* Burglary Takaful
- *IKHLAS* Equipment Comprehensive Perils Takaful
- *IKHLAS* Comprehensive Perils (All Risks) Takaful
- *IKHLAS* Fidelity Guarantee Takaful

NOTA PENTING:

ANDA HENDAKLAH MEMASTIKAN HARTA ANDA DILINDUNGI PADA JUMLAH YANG BERSESUAIAN MEMANDANGKAN IA AKAN MENJEJASKAN JUMLAH TUNTUTAN. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU HUBUNGI PENGENDALI TAKAFUL UNTUK MAKLUMAT LANJUT.

MENURUT PERENGGAN 5 DARIPADA JADUAL 9 AKTA PERKHIDMATAN KEWANGAN ISLAM 2013, JIKA ANDA MEMOHON PRODUK TAKAFUL INI SEPENUHNYA UNTUK TUJUAN YANG TIDAK BERKAITAN PERDAGANGAN, PERNIAGAAN ATAU PROFESION ANDA, ANDA MEMPUNYAI KEWAJIPAN UNTUK MENGAMBIL LANGKAH PENJAGAAN MUNASABAH UNTUK TIDAK MEMBUAT SALAH NYATAAN SEMASA MENJAWAB SOALAN-SOALAN DALAM BORANG CADANGAN (ATAU APABILA ANDA MEMOHON UNTUK PRODUK INI). ANDA DIKEHENDAKI MENJAWAB SOALAN-SOALAN DENGAN LENGKAP DAN TEPAT.

KEGAGALAN UNTUK MENGAMBIL PENJAGAAN MUNASABAH DALAM MENJAWAB SOALAN-SOALAN MUNGKIN MENAKIBATKAN PEMBATALAN SIJIL TAKAFUL ANDA, PENOLAKAN ATAU PENGURANGAN TUNTUTAN, PERUBAHAN TERMA ATAU PENAMATAN SIJIL TAKAFUL ANDA.

KEWAJIPAN PENDEDAHAN DI ATAS ADALAH BERTERUSAN SEHINGGA SIJIL TAKAFUL ANDA DIBUAT, DIUBAH ATAU DIPERBAHARUI DENGAN KAMI.

SEBAGAI TAMBAHAN KEPADA SOALAN-SOALAN DI DALAM BORANG CADANGAN (ATAU APABILA ANDA MEMOHON UNTUK PRODUK INI), ANDA DIKEHENDAKI UNTUK MENDEDAHKAN APA-APA PERKARA LAIN YANG ANDA TAHU SEBAGAI BERKAITAN KEPADA KEPUTUSAN KAMI UNTUK MENERIMA ATAU TIDAK RISIKO INI DAN MENENTUKAN KADAR TERMA YANG HENDAK DIPAKAI.

ANDA JUGA MEMPUNYAI KEWAJIPAN UNTUK SEGERA MEMBERITAHU KAMI SEKIRANYA SETELAH SIJIL TAKAFUL ANDA DIBUAT, DIUBAH, ATAU DIPERBAHARUI DENGAN KAMI, APA-APA MAKLUMAT YANG DINYATAKAN DI DALAM BORANG CADANGAN (ATAU APABILA ANDA MEMOHON UNTUK TAKAFUL INI) TIDAK TEPAT ATAU TELAH BERUBAH.

Informasi yang disediakan dalam Helaian Keterangan Produk ini adalah sah pada 01/12/2018